

Naziv tematske cjeline u oblasti evropskih integracija	a) PRAVO EVROPSKE UNIJE
Sadržaj tematske cjeline	1. O Evropskoj uniji (EU) • Pravna priroda EU • Kriteriji za pristupanje EU (iz Ugovora, Kopenhagenski i Madridski kriteriji) 2. Izvori prava EU • Primarni izvori • Osnovni principi prava EU • Sekundarni izvori (zakonodavni i nezakonodavni; vrste, struktura i karakteristike) • Hijerarhija pravnih akata EU • Uloga i značaj presuda Suda Evropske unije 3. „Institucionalni trougao“ (Evropski parlament – Vijeće – Evropska komisija) • Ukratko o institucijama • Postupak donošenja propisa EU (zakonodavna inicijativa, donosioci propisa, nadležnosti i ovlaštenja) • Zakonodavni i nezakonodavni akti (delegirani i provedbeni akti) 4. Sporazum o stabilizaciji i pridruživanju između BiH i EU u kontekstu prava EU • Pravna osnova • Pravni učinak Sporazuma o stabilizaciji i pridruživanju (SSP) • Institucionalni okvir iz SSP-a • Obaveza usklađivanja
Preporučeno trajanje obuka za tematsku cjelinu izraženo brojem akademskih sati	• Klasična obuka u sali: 8 akademskih sati, tj. obuka u trajanju od jednog dana • Vebinar: 5 akademskih sati
Opis obuka unutar tematske cjeline	S obzirom na to da je EU <i>sui generis</i> tvorevina, njen pravni sistem i zakonodavstvo su vrlo specifični. Pravo EU podijeljeno je na primarno i sekundarno, te je vrlo složeno. Temelj EU jeste prijenos nadležnosti država članica na EU na osnovu Ugovora, u koje su inkorporirani određeni principi, kao i izdiferencirane nadležnosti EU u određenim poljima (isključive, podijeljene s državama članicama i koordinirajuća nadležnost). Od vremena nastanka prvih evropskih zajednica do danas desile su se mnoge promjene kako u strukturama i ulozi institucija EU, procesu donošenja odluka, tako i u razvoju zajedničkih politika i pravnom instrumentariju EU. Razumijevanje funkcija i uloga unutar institucionalnog i pravnog sistema EU važno je za razumijevanje cjelokupnog procesa evropskih integracija.
	• Upoznati polaznike s okvirom pravnog sistema EU • Prenijeti znanja o osnovama prava EU s fokusom na sekundarne izvore prava (uredbe, direktive i odluke)

Ciljevi obuka unutar tematske cjeline	• Prenijeti znanja o učincima prava EU (obavezujući/neobavezujući, supremacija, srazmjernost, direktni učinci, direktna primjena, odgovornost za neprimjenjivanje) • Upoznati polaznike s okvirom strukture, vrstom institucija drugih tijela EU i njihovim funkcioniranjem • Upoznati polaznike sa osnovama procesa donošenja odluka u EU • Upoznati polaznike sa SSP-om i njegovom učinku na pravni sistem Bosne i Hercegovine (BiH) • Upoznati polaznike s obavezom usklađivanja
Ciljna grupa polaznika (utvrđena članom 7. Odluke o obukama)	• Članovi tijela u sistemu koordinacije procesa evropskih integracija, pregovaračke strukture i svih ostalih struktura uspostavljenih za potrebe procesa evropskih integracija • Zaposleni i angažirani u institucijama na svim nivoima vlasti u BiH koji obavljaju poslove i radne zadatke u vezi s evropskim integracijama i koordinacijom procesa pridruživanja BiH EU • Predstavnici nevladinih organizacija, akademske zajednice, medija i svi ostali koji u svom domenu rada učestvuju ili imaju profesionalni interes u procesu evropskih integracija • Specifična ciljna grupa polaznika kojima je neophodno sticanje znanja o procesu evropskih integracija
Ishodi učenja	• Polaznici obuke su upoznati sa osnovama pravnog sistema EU • Polaznici obuke su upoznati sa izvorima prava EU, njihovim karakteristikama i međusobnim razlikama • Polaznici obuke razumiju proces donošenja zakona i drugih pravnih akata i uloge institucija EU u ovom procesu • Polaznici obuke razumiju osnove i značaj SSP-a
Metode izvođenja	Obuka se može držati kao klasična obuka u učionici ili vebinar. U slučaju klasične obuke u sali teorijski dio (prezentacije) treba trajati 6 akademskih sati, a praktični dio (kvizovi, testovi, vježbe i rad u grupama) 2 akademska sata. Ako se obuka drži u formi vebinara, skraćivanje njenog trajanja treba biti provedeno na način da se osigura razmjerno pokrivanje cjelokupnog sadržaja (teorijski dio i vježbe). Praktični dio obuhvata: • Primjer pravnih instrumenata EU (struktura, sadržaj i specifičnosti) • Primjer presuda Suda Evropske unije (ilustracija značaja u pravnom i političkom kontekstu) • Kvizove i testove samoprocjene u vezi s informacijama dobivenim tokom obuke • Vježbe po izboru predavača